

Mvù Pôl dé jomò mé Timotê

Bèh bieê

¹ Né mè Pôl, mbòn̄ tebê Yeésò *Kristò. Càn lé mè mân sie kwaá naâ mé kàgà-ndòn seèn, ye mè a, ndé kùr yòn̄ se; júée bò nùàr a: mɔ bó bilí den né beè Yeésò Kristò wa, bó nde né yòn̄ tètàgà kwa ma.

² Mè nyagá njií né mé wò huaán yíé-temé mò Timotê. Càn Tele beèh bô Fehtoò beèh Yeésò Kristò a, kó wò jere, bó kúlú wò, bó haá wò dolê.

Pôl né Timotê seén

³ Mè né Càn vra, mè né lom seé seèn mé temé ñagâ boó; mè boó né faá bò tele mò léí jògò lé boó naâ nɔ. Cu doón̄ mè né Càn dua, mè yílí yeè suúteèn mé cíbíteèn mene nyèn bèh, mè né bú felè yeè vra.

⁴ Mè né wò munó dé gècên. Lòu sam, mè lo nde ké yoòr yeè yuo, wò lé naâ yúé si. Kènê mè yeé ñene aá ménâ, mè ye sâ kɔ mè wa cuù ké yoòr yeè waà, te yo sagár cu mè.

⁵ Gèh temé yeè cén mé wò né yoòr Yeésò Kristò kwaá nyegé doò né ká lè mò, mè bú nyèn ñgwéh. Sâ lé naâ seé Loyísè meí yeè dé koò, à lo naâ temé cén yoòr Càn kwaá njií. Jomo sâ meí yeè Enísè kwaá njií cu ka ménâ. Wò hên kwaá njií cu né cí, mè né kóó.

⁶ Mo né ménâ, huaán mò, seé mé Càn lé haá kwaá naâ beè yeè doô, té be mé njéh dù, wanoón nde né nyimé yuo. Càn lé wò haá naâ kóó; lé naâ lòu mé mè lé baà naâ wò be felè doô.

⁷ Té njeré deí vèh nyí gùm doón. Cúcuí mé Càn lé haá naâ béh hên nde né béh temé lòu taré seér, nde né béh gwaân haá, haá béh terreb, te béh sie komo yo mé njéh ndó; à béh veéh lè yí ndé ngwéh.

⁸ Sâ mò wò baá felè Fehtoò beèh tueé, té fegùli kwá. Né mene felè mò kwer seèn, té gùli ménâ ndó. Néné lòm gèr te Njàgà Bagaà faá mè nò; kó lòm ye, terreb nyí né beè Càn.

⁹ À lé béh yili soóm naâ kóó; à béh yilá bilí né dé cí, ye te béh ña bò nùàr nyí. Lé naâ mé kàgà-ndòn seèn ndó, béh lé seé bagaà deí bó kòmò ná ngwéh, à lé béh yili soóm naâ dé lòu. Béh lé njua sâ kwa keéh naâ mé Yeésò Kristò, sâ wón ló née teèn sam ye.

¹⁰ Yeé baá kènê, à nde ye húóm-temé sâ yoòr Yìli nùàr Yeésò Kristò ñené sòm keéh. Lòu sam, Yeésò Kristò duagá sòm aá terreb cioò kèn, à né béh Njàgà Bagaà feh, à teèn sâ ñené sòm keéh né béh yòn tètàgà ndó.

¹¹ Kènê à Njàgà Bagaà sâ jege haá né beè mò, ye mè a, ndé bò nùàr bèh doón feh bele, sè bó seè.

¹² Mè gèr hên ñene kuú né dé cí. Mé njéh mene, mè mé gèr tán cú. Lòu sam, mè né gi bèh ndèm mò kóó, mè né kóó ye, seé seèn mé à jege kwaá né beè mò hên, à nde né kebbé nyegé,

à kebbé nyegé den nde né ménâ tóg ko ndeè wa baá cieé sâ ndo.

¹³ Bò ngòr jéjêg mé wò lé naá giì sònò mò ngweé dɔ́ɔ́ɔ́, siè kwá felè, wò bele ménâ ndo, wò sie lom Yeésò Kristò mé temé cén, wò né bò nùàr mé temé Yeésò lè gwaán.

¹⁴ Njàgà Bagaà mé Càn jege kwaá né beè yeè sâ, té gwàn mé nuaré dèi kweéh seér bú. Kébbé nyéégè lòm bú mé terreɓ Cúcuí Njàgà mene; à baá gi béh lè lè.

¹⁵ Ngweéh wò né gi kɔ́ɔ́ ye, bò Càn bò mé né te tàbè Asía dɔ́ɔ́ɔ́ durá si lo gi aá mè wa? Fijèn bô Hermojénè né gi lètenè sâ teèn ndo.

¹⁶ Dé Onesifôr môn sam. Càn a, té njolo mé mbàgà seèn cì. Lòu sam, cu dɔ́ɔ́ɔ́ à lé naá mè yo bɔ́ɔ́ taré. À fegùlì tán ngwéh ye mè né nùà gwà cibì.

¹⁷ À yeé waà baá ká Rôm, gèh dé mé à lé foón kwaá naá mè doô, lé dé tueè ná ngwêh.

¹⁸ Wò né cu kɔ́ɔ́ ye, à lé mè ké Efêse gam kelà naá kɔ́ɔ́ ndo. Nùà Dueè a, bó húóm lòm bú bagaà lòu téná-juù dé gècên.

2

*Dene sɔ́jì Yeésò *Kristò*

¹ Sâ huaán mò, kwá fùgò mé wò né beè Yeésò Kristò kuú hên haá wò terreɓ kɔ́ɔ́.

² Njii mé wò lé naá giì sònò mò ngweé dɔ́ɔ́ɔ́, mè lé tueé naá toò bò nùàr ngûn, wò jègè há kékè bò njii sâ mé bò gècên bò dèi ndo, te bó feh ser mé bò dèi ménâ.

³ Néné táré gèr ndo, dèn lòm kóbè sâ faá sójì Yeésò Kristò no.

⁴ Mo sójì yila baá taáb, à dé seèn be te dene bò lòu bò yí ndé cú, à gwaán seér né kwaá-taáb bòn yoòr yilá.

⁵ Déi né cu nùà dùlà doò ndo; nuaá mé né doò dula, nde né tàmm ngôg kwa. À kwa nde né mé doò teèn dula yií.

⁶ Déi né cu nùà kié boôr ndo. Mo à né boór seèn kóbè sâ lege kieé nyegé, à nde né yab kóó yieé lógó.

⁷ Mùnò nyegé bò ngòr mò hèn bagasé. Fehtoò beèh nde né wò terreba háá, te wò ngweé komo njèh doón.

⁸ Mùnò njí cú dé Yeésò Kristò, *ndùtè ndùtù David. Ngweéh à lé naá te cio komo yuo mà. Njàgà Bagaà mé mè né yeé tueé doón né gi méná tueé ndo.

⁹ Mè gèr hèn nene gi né mé Njàgà Bagaà sâ; bó mè ká gwà cibì faá nùà veèn no yií kwaá né dé cì ndo. Mé njèh mene, né бага, bó te yuií sie colo kwaá lom né mè, bó ngòr Càn sié kwá ngwéh.

¹⁰ Mè gèr hèn yolo den né dé cì, te bòó mé Càn né balé sòm doón yili yuo gi, bó yili yuo nde né mé Yeésò Kristò, te bó den ké bèh *sùsùm dé nyè mà mé nyè mà.

¹¹ Kwá mè tueé wò jéjég ngòr déi; jéjég ngòr sâ ye:

Mo béh bò Yeésò kuú né kóó,
béh bó làn den gi nde né kóó.

¹² Mo béh né noón den, béh né gèr yoló,
sâ béh bó nde né mgbè doón cer gií.

Mɔ bɛh ye bɛh bú kó ngwéh, sâ à nde né ménâ
tueé taré, ye nyí bɛh kó ngwéh ndɔ.

¹³ Mɔ bɛh kóbè sâ sam, bɛh kóɔ ye,
à né dé seèn cu doón kóbè sâ ma;
wanóón à seèn hihiné kerré den nde né naàn
wa?»

Nùà seê mé né Càn yoòr huóóm

¹⁴ Wò kè mà jìlì cú bò nùàr kemà, te bó munó
ko cu ngòr hèn, lùòm nágá lòm bó mé yilí Càn,
júée bó a: té mé tɔgɔ felè bò wɔb ngòr ndè lè
ma; njèh gàm déi sam. Mɔ sam, bò déi nde né
ngweé, bó sibí le keéh teèn.

¹⁵ Fágá lòm dé yeè feh, dèn lòm nùà seê mé
né seé seèn teèn bóó yíí, te wò huóm Càn yoòr,
fegùlì wò mé seé yeè siè cú, wò né ngòr gècèn te
ceér-e te ceér-e tueé yíí.

¹⁶ Gè dé yeè mé bò ceér wɔb ngòr faá bèh sâ
nɔ; bó dé bóòn te ceér Cànɛ sam. Bòó mé né teèn
yilá doón nde gi né ndèm bóòn teèn cuaré loó, te
bó veé nàá seér dé nàá.

¹⁷ Bò ngòr bóòn hèllè nɔ sie lom né bò nùàr beè
faá nyer nɔ. Hemenê bô Filétè né lètenè bóòn
ndɔ.

¹⁸ Bó geé lom aá dé bóòn mé ceér gècèn gùm
doón, seé bóòn baá seér bò nùàr bóó sií. Bó né
bò nùàr tueé ye bó a: Càn lo nùàr te cio komo
som gií baá kèn sé wa. Yeé baá ménâ, bò nuaré
déi yila temé yoòr Càn som beleè ndɔ.

¹⁹ Mé njèh mene, Càn mé ngeér sam; à lo naá
gií maàn nùà njèh si kwaá, né doó nɔón den den.
Bó felèbò nyagá kwaá né ye: Nùà Dueè né gi bò

dé seèn kɔ́ó, wa nuaá mé gwaán aá ye nyí baá dé Nùà Dueè dɔ́ón, bú a, nyénné veèn nyennè ma.

²⁰ Kɔ́ó ye, ké gwò nùà lieê bò njèh gwà feh hihiné né gi teèn. Bò déi, bó me né mé goó, bò déi mé lòṅ bèlè, bò déi mé màr, bò déi bó kwe né tou; dé kàn né mé bèh seê seèn teèn. Bò déi né teèn, kɔ́ baá mé lòu cieé koô, bó kema ye bó dé boòn. Dé bò déi, bó seé mé njèh boó gi né cieé dɔ́ón.

²¹ Né yoòr beèh faá bèh ménâ ndɔ: nuaá mé som aá be te veène, baá dé seèn ṇagásé, nde né ménâ den; dé seèn kɔ́ né lom dé seé koô, sâ bó nde ye seé mé bú boó. Tele nde né bú dé seèn lòu kwaá nebbé nyegé, ye lòu sam, à nyí gam nyegé né kɔ́ó. Mɔ seé bagaà déi ṇené yuo kela mene beré déi, tele bèh seé sâ njií nyegé nde né bú ndɔ.

²² Mɔ né mân, sâ té ja mé veèn faá bò ndà nɔ wà; fón sér dé yeè ceér dé didilí; kwá njí temé yoòr Càn, gwàn lòm bò mbeí yeè mé temé cén, dèn toò boòn dɔ́lèsé. Bòó mé né Fehtoò beèh mé temé cén yueé fɔ́ón dɔ́ón, bí bó dèn jí ménâ.

²³ Mɔ bò nùàr baá saán ndualé gɔ, té sòn yeè teèn yí njí; wò né kɔ́ó ye, gèh bò saân kùlù bú sâ nde ké toò mboón yeé mé jóg.

²⁴ Kɔ́ó ye, nùà seê Nùà Dueè beèh dé seèn tɔ́gɔ ndè bèh; seé seèn né seér bagaà mé bò nùàr dɔ́ón boó larê. Bú a, dèn lòm nùà fèh-njèh dé gècên, à yóló bò nùàr yolò.

²⁵ Bú a, fèh nebbé jí bò tásaán njèh lòu, à feh lom bó mé temé dɔ́lê ndɔ. Merré déi Càn nde né bó ceér cieé déi feh, te bó yueé fɔ́ón feh boòn, bó

bele ceér gècên.

²⁶ Lòu sam, *Sátàn lé naâ bó te yuiî curú kwaá, bó né sòn seèn ngweé. Mò nùà seê Càn né bó lòu feh nebbé seér, merré déi lòu sâ bó nde né te yuiî huaré yuo, bó cu cuù ká beè Càn.

3

Lòu mé wón gi nde né teèn

¹ Kóo ye, mò wón nde áá gií wa, bò cieé dé cèrè jomò ndeè den gi nde né tetaré tetaré ma.

² Bò nùàr nde gi né bò nyaá bò ñaá, bó nde gi né mé kàgàlòn gwaán le, bó nde né mé púnò kuú, bó nde né feh ham, bó nde né Càn seb, bó nde né sòn bò tele mé bò meí bòn ngeén; nùàr né mene bó bagaà bók, bó vrà ndé ngwéh; bò njií mé né gi beè Càn jolo dón, bó vèh ndé ngwéh ndo.

³ Bó nde né temé jeré, bó jere mé bò mbeí kwá ndé ngwéh, bó nde né nùàr sar go, bó yo siè ndé ngwéh, bó nde né lélán taáb jélákág. Bó bò njií mé né teèn yilá nyuùn kwàrè ndé ngwéh.

⁴ Bó nde né lélán súi, bó nde né fíí, bó nde né mé ngàn fu sela, bó gwaán kela nde né *wón mé Càn.

⁵ Dé ngòr Càn bó né gi yoòr dág wagá kwaá; njèh cén, bó né terreb Càn kèb cén ngoró njií, ye né njèh mbaâ ma. Mè tueé wò, gè lòm mé ceér gèh bò sâ bò nón.

⁶ Bò déi lètenè bòn né gùgwò ngou yilá ndeé, bó né bò vèh yuyuaâ teèn togó weh bele. Bò vèh hèllè né-re te veèn mé ceér hihiné teré seér faá bó gwaán nê nò.

⁷ Bó né gi njèh maân gwaán dág; mé njéh mene, bó ceér gècên kó kòmò bèh.

⁸ Nde cu mé bò siib hèllè, bó né lom ngòr gècên saán beéh sòm, bó saán né faá bò Jánè bô Jambèrè lé saán taré naâ mé Músi ndo nɔ. Lòu sam, lè bòn né seér cúcuí veên, bó né mé njéh lòu cur go, ye bó né temé yoòr Càn kwaá njií sé wa?

⁹ Càn mé ngeér sam, bó mé njéh dàb ndé ndé ngwéh ndo. Lòu sam, bò nùàr nde né néné kóó gií, ye bó bó ndugó go né lòu, bó né faá bò Jánè bô Jambèrè nɔ.

Bèh ndéb sɔgó ceré

¹⁰ Dé yeè, wò kɔ gi aá bò njií mé mè né yeè feh kèn, wò né gi gule gò mò kóó, wò né kwòm seé mò kóó gií, wò kɔ gi aá temé mé mè né mé Càn kwaá njií kèn ndo; wò né gi siè-temé mò kóó, wò né gwaân mò kóó; mè né yoló, wò né gi kóó;

¹¹ bònò mé bò nùàr né mè bunó, wò né gi néné, bò dàb gèr mé mè lé néné naâ dɔ́ɔ́ né gi lè yeè; bò njií mé lé kwa gií naâ mè ké Antiôs dɔ́ɔ́ né gi lè yeè ndo. Bò dé ké Ikoniûm o, bò dé ké Lîstrè o, dɔ́ɔ́ njèh faá bònò nɔ, mè lé naâ mé njéh kwaré, wò né gi kóó. Mé njéh mene, Nùà Dueè lé naá gií mè teèn mvelé sòm.

¹² Kóó ye, bò mé gwaán né beè Yeésò *Kristò mé temé cén deèn dɔ́ɔ́ nde gi né mé bònò ménâ kwaré ma.

¹³ Dé bò jéré-temé bò mé bò bèlè nùàr bò, bó nde né mé seé ngeêr bòn tètò bó ndeé den,

bó nde né bò nùàr bele, te bó bele keéh mé gùm bòn mene.

¹⁴ Dèn lòm dé yeè nɔ́ɔ́; bò njií mé wò lé naá gií maán, mé wò lé naá gií mé temé yeè mene gwaán doô, dèn lòm teèn tég. Gèh bò nùà fèh-njèh mé lé feéh naâ wò bò njií sâ dɔ́ɔ́, wò né gi bó kɔ́.

¹⁵ Bò njií mé né te mvù Càṅe nyagá den, wò né gi bó kɔ́ ndɔ́. Wò lé bó kɔ́ duɔ́m naâ, sâ wò née huaán maàn ye. Ngòr Càṅ sâ nde né wò ceér feh, né ceér dé bòó mé né temé yoòr Yeésò Kristò kwaá njií, te Càṅ yili som bó.

¹⁶ Bò njií mé né gi te mvù Càṅe nyagá den hèn dɔ́ɔ́ né gi mé Cúcuí Càṅ teèn, te feh dilí béh ceér gècên; à nde né béh bèh sesabê beèh njolò feh kwaá, te béh soró nyegé gi, béh bɔ́ seér bò njèh dé didilí njolò Càṅ.

¹⁷ Sâ te nùà Càṅ den ye nùà Càṅ jéjég sâ, à bɔ́ komo ye seé bebagaà ndɔ́.

4

¹ Mè né wò tueé, mè tueé né wò toò Càṅ, mé toò Yeésò Kristò ndɔ́. Kó ye, à ndeé né cuû, à som be terrèb seèn ter, à tena ju bò komô mé bò lèlàn bò. Mè tueé né wò toò bòn:

² túé lòm ngòr Càṅ teèn faá wò né tueé nɔ́, sógó njébá lòm teèn tég. Bó gwaán mene, bó berɔ́n mene, kó lòm tueê, wò né bó lòu bɔ́. Ndè bò déi lòu, wò né bò déi lòu seén, wò né sèṅ kwaá, wò né bó feh,

³ wanɔ́ɔ́ cu baá ndeê, bò nùàr ngòr gècên gwàn ndé cú, bó nde né bò nùà fèh-njèh dé

nyenyenê ngún yilá weh seér. Lòu sam, bó gwaán né cí, né tieè boòn ngulí huóóm.

⁴ Bó tie te gècên féla ní ndé ngwéh dé ndôg, bó nde né lòu faár seér, bó gwaán kela bò dèbbè nyenyenê hèllè.

⁵ Dé yeè, siè lòm yo mé be yeè, siè yo felè njèh doón, yóló sér gèr lòu, wò né bò nùàr Njàgà Bagaà se. Né seé yeè. Seé mé Càṅ lé haá kwaá naà beè yeè doón, bó jégé lòm bú mé gùm mene.

⁶ Dé mò, cu waà baá kèn, kènê mè nde aá feh mò semé njií; hèn baá cu kuú mò waà né koó.

⁷ Mè taáb lie huóm gi aá kèn, mè mé doò mò ké sònòbò dula yuo kela baá ndo; wa hèn temé mò né gi kóbè sà.

⁸ Sà kènê, sàgà mò baá gi ter: né tàṁ ngôg. Càṅ bú haá yeé nuaá mé né seé teèn boó dilí yíí. Lòu sà Nùà Dueè mé né yeé ju tená dilí, nde né mè tàṁ sà felè sulí kwaá. Mè gí cégé ngwéh, bòó mé né gi gwaán ye bú a, cú cù doón nde gi né tàṁ ngôg sà kwa ndo.

Bò nùàr pɔ lo gi aá Pôl

⁹ Fágá ká feh, cieé fà hèn wò nde cuù ká yoòr mò.

¹⁰ Demàs mè dula si lo njií aá kèn. À kènê gwaán lom né *wón mé feh seèn vɔgó gò; à nde aá ké Tesaloník ndo. Kèrésân foon aá dé seèn gò Galatî; Tîte foon taré gò Damatî.

¹¹ Kènê ká kwarè mò le lom né Lûk. Mò wò baá ndeê, wèh siè Mârk beè; à né yeé mè seé gam.

¹² Mè tema njií aá Tisîk dé seèn ké Efêse.

¹³ Mò wò baá ndeê, wèh siè kéh mè cògò dùlù teèn; mè lé kwaá lò naâ ké Troâs ké lo Kárpûs. Wèh siè kéh mè bò mvù beè teèn ndò, mè tétég jue né bò mvù dé paàr doô.

¹⁴ Alesándà nùà lè lé naâ mè veên bôó maga sela. Ju sam, Càŋ gwòm nde né bú kóó.

¹⁵ Dèn lòm dé yeé toò seèn mé kónkón mene, wanóŋ njií mé béh né yeé feh dónŋ, à né yeé berónŋ, ye te ñellé yuo ñellé.

¹⁶ Cu mé bó lé tueé logó naâ ju mò teèn, mè né mene sòn mò se, nuaré déi lé mè gàm kélá ná ñgwêh, bó lé si lo seér naâ mè lòù. Mé njéh mene Càŋ a, té bó mé njéh táŋ.

¹⁷ Fehtoò beèh nùà njèh lé mè mé huún kwá ló ná ñgwêh, à haá cu ye baá-re mè terreb, mè né ñgòr seèn mé njéh tueé jege seér. Lòu sâ bôó mé Jûf sam dónŋ ñgwéé gi ñgòr seèn. À luaga sòm keéh baá-re mè sònò gélóg teèn ndò.

¹⁸ Mè né kóó ye, Nùà Dueè nde né mè te veên dé kàn ménâ luaga sòm ndò; à nde né mè cí nyegé, te mè ndeè ñaá ké te vulúu, mè den ké Mbàm kwarè seèn. Kùsèm terrèb Càŋ a, sùmù yùò kélà cie dé kèi cên. È môn.

Bèh cerê

4:11 4:11 Kol. 4:14; Filem. 24; Seé b. 12:12, 25; 13:13; 15:37-39; Kol. 4:10 **4:12 4:12** Seé b. 20:4; Ef. 6:21-22; Kol. 4:7-8 **4:13** 4:13 Seé b. 20:6 **4:14 4:14** 1 Tim. 1:20; Ps. 62:12; Rôm 2:6

¹⁹ Bíé kéh mè Prisîl bô Akilâ бага, wò bie keéh mbàgà Onesifôr ndo.

²⁰ Herástà den le aá dé seèn ké Kōrênt. Trofîm lé naâ dé seèn baán; mè lé kwaá loò naâ bú ké Milê.

²¹ Lègè ndé kê jògò te cu dùlù ndeè ye waâ.

Bò Ebúlù mé Púdèn bô Línù mé Kelódìà bó bò Yeésò bò déi doón ye bíé kéh wò бага ma.

²² Fehtoò beèh a, kúrú nyégé wò. Húóm-temé seèn a, ká siè jí bí doón beè ndo.

4:19 4:19 Séé b. 18:2; 2 Tim. 1:16-17
Rôm 16:23; Séé b. 20:4; 21:29

4:20 4:20 Séé b. 19:22;

Mvù Ngòn Feê
Mambilla NT (Cameroon-Le Nouveau Testament en
mambila)

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 26 Jul 2025 from source files
dated 13 May 2025

f0e8e7ba-c2cf-57f7-9a60-8ff0e792e158